

Հ Ա Ն Գ Ի Ս Տ
ԱՐԺԱՆԱՊԱՏԻՎ Տ. ԽՈՐԵՆ ԱՎԱԳ ՔԱՀԱՆԱ ՇՈՒՇԱՆՅԱՆԻ
(1872—1956)

Հոկտեմբերի 2-ի գրչարք, երկարատև և օտար հիվանդությունից հետո, ի Տեր Հանգյավ Տ. Խորեն ավագ քահանա Շուշանյանի:

Հանգուցյալը ծնվել է 1872 թվականին Վան քաղաքում: Մանուկ հասակից գրվելով ծնողներից, տարվում է Վարդա վանքի գիշերօթիկ հոգևոր դպրոցը, որն ավարտելուց հետո երկար տարիներ զբաղվում է ուսուցչությամբ: Համաշխարհային առաջին պատերազմի օրերին նա հազարավոր հայերի հետ գաղթում է Հայաստան և բնակություն հաստատում Արևանում, որտեղ ձեռնարկում է հայ որր մանուկների հավաքագրման շնորհակալ աշխատանքին: 1919 թվականին Խորեն արքեպիսկոպոս Միրզաբեկյանի ձեռամբ նա ձեռնադրվում է քահանա Արևանի Ս. Գրիգոր Լուսավորիչ եկեղեցու վրա: Երկար տարիներ նա եղել է Արևանի Ս. Գրիգոր Լուսավորիչ և Ս. Զորավոր եկեղեցիների ավագերեցը, հավատացյալ ժողովրդի սիրված հովիվը:

1940 թվականից սկսած հանգուցյալը պաշտոնավարում է Ս. Էջմիածնի Մայր Տաճարում:



Տ. Խորեն ավագ քահանա աչքի էր ընկնում իր եկեղեցական հմտությամբ և ծառայասիրությամբ ու սիրով ղեկավարելով իր եկեղեցին և հայ ժողովուրդը:

Հանգուցյալը իր ունեցած սեփական եկեղեցական գրքերն ու սպասաները կտակել է Աշտարակի Ս. Մեսրոպ եկեղեցուն:

Հոկտեմբերի 5-ին պատարագեց և հանգուցյալի վերջին օժուժը կատարեց ղեկավարող Տ. Սահակ արքեպիսկոպոս Տեր-Հովհաննիսյանը: Մարմինը ամփոփվեց Ս. Գայանեի վանքի դամբարանում:

Տ. Խորեն ավագ քահանա Շուշանյանի մահը մեծ կորուստ է Մայր Աթոռի համար: Նա մեր լավագույն ու սիրված քահանաներից էր, քաջամուտ եկեղեցական երդեցողության, նախանձախնդիր և Մայր Աթոռի պայծառության նվիրված ազնիվ հոգևորական: Նրա խնկելի հիշատակը միշտ վառ կմնա իր հավատացյալ ժողովրդի սրտում և Մայր Աթոռի միաբանության հոգում:

Հավիտենական հանգիստ իր հոգուն: Յիշատակն արդարոց օրհնութեամբ եղիցի:

